

Tèktā vierīk...

Tèktā vierīk parēso (kumat nuorintās) bieģēs čiesa.
Krestie — rīta parnēšo tuo vielīvuojē vedoms rogsiejē.
Tèk nebidavuok ousiou, kad dūšie kāp stobuo ēšviesa
È osnēniū adatū ēlģesis saujuom prisiējē.

Kūlēs užvertē doris ēr spīna jau rūdim apskrēta.
Rākta dōntis, bajiedont rugštomou lēkēma — sodēla.
Grēga ratā gērdždiedami, ōžsok i kēima tēp retā...
Longinīčēs užvieriau, aptraukusi tonkomu mēla.

Vēsi zelkuorē — koknie. Pavuožuojau, — dūmās apējē,
Nasidīvīs ēš ruonū rokšluotū, šonātē neluodīs.
Kumat bokšts šešoulielis kavuosas solējusiuo vejuo,
Tērps grabnīčiuo nasōprasts, nerādēs užuoviejē žuodis...

Apēnt monēi rokōusi — tèk vierīk, no švēntā parēso.
Kumat pēlnatēis sāusē soskrābē žiebs pērštā spingsolē.
Tèk, žēnuokēis, par vielā. È monuosēs dūšēs — nabrāsi.
Soudē zelkuorius, lōngus, ē pāšalius vēsus ožgōlē...